





# Акафист

## Сретению Господню

---

### Кондак 1

Избраннаго Царя́ Избранная́ Мати́ зрится ны́не от Вифле́ема в Иерусали́м грядúща, Богомладене́ц же Иису́с, я́ко на о́блаце лёгце во объ́ятях То́я носимъ́ быва́ет. Мы́ же недостойни́и, сретáюще Царя́ Сла́вы и Пресвяту́ю Ма́терь Деву́, с Симео́ном ста́рцем вопи́ем Преблагослове́нной:

Гряди́, Пречи́стая, Госпо́дь с Тобо́ю и Тобо́ю с нами́.

### Икос 1

А́нгел небесныхъ́ небесны́я ли́ки приникше на зéмлю, зря́т Своего́ Творца́ и Влады́ку Перворожде́нна всея́ тва́ри во объ́ятях Девическихъ́ от Ма́тери Неискусомужны́я, я́ко Младенца́ носима́ и ко хра́му во Иерусали́м грядúща, и раду́ющесе́ пою́т Тому́ и Цари́це Деве́ хвалу́ прáздничную́:

Гряди́, Царю́ не́ба и землі́, во градъ Вели́каго Царя́, Сио́н святы́й; гряди́, Превы́шний Бо́же, от го́рних высотъ в рукотворе́нный храмъ земны́й.

Гряди́, Единоро́дный Сы́не Бо́жий, вселити́ся с челове́ки на землі́; гряди́, Непоро́чный А́гнче Бо́жий, принести́ся ко Го́споду, живу́щему на небеси́.

Гряди́, Чи́стая Голуби́це, Свята́го Ду́ха Безму́жная Неве́сто; гряди́, Нескве́рная А́гнице, А́гнца Христа́ Нетле́нная Ма́ти.

Гряди́, Богоизбра́нная Отрокови́це, Бо́га Отца́ Превожде́ленная Дще́ре; гряди́, Небе́сная Цари́це, всему́ ми́ру Блага́я Влады́чице.

Гряди́, Пречи́стая, Госпо́дь с Тобо́ю и Тобо́ю с нами́.

## **Конда́к 2**

Ви́дящи Пресвята́я Де́ва Себе́ в чистоте́ по Рождестве́ Христо́ве Су́щую и не тре́бующую очище́ния, зане́ Христо́с про́йде от Нея́, яко́же луча́ со́лнечная криста́лл прохо́дит, не повреди́в де́вственныя чистоты́ Пречи́стыя Ма́тери Своея́. Оба́че смире́нна су́щи, не гордя́шеся о нетле́нной чистоте́ Своея́, и егда́ испо́лнишася дни́е очище́ния Ея́ зако́ннаго, воста́вши со святы́м Ио́сифом Обру́чником от Вифле́ема,

вознесо́ста Божество́нна Младенца́, да поста́вят  
Его́ пред Го́сподом во Иерусали́ме, с ра́достию  
пою́ще Ему́: Аллилу́иа.

## И́кос 2

Разуме́в Тя́ издалеча́, Де́во, Бо́га Нося́щую  
Воплоще́нна на руку́ Твоею́, Иса́ия  
предвозвести́: «Се́ Го́сподь седи́т на о́блаце  
ле́гце». Ты́ же, о Богома́ти, в Иерусали́м иду́ще и  
Божество́ннаго Младенца́ во о́бъятях нося́ще,  
помышля́ше, ка́ко Ма́терь соде́яся и Де́ва  
пребы́сть. Оба́че ве́дуще, я́ко па́че естества́  
рожде́ние си́е бы́сть, со трéпетом глаго́лаше в  
Себе́: Ка́ко возы́мену́ю Тя́, Сы́не Мо́й? А́ще  
нареку́ Тя́ челове́ка, ве́м, я́ко превы́ше челове́ка  
еси́, де́вство Моё́ соблюды́й нетле́нно, я́ко  
Божество́нно е́сть зача́тие Твое́. А́ще нареку́ Тя́  
Бо́га, ви́жду Тя́ во все́м подобна́ челове́ку, кроме́  
греха́. Сего́ ра́ди пропове́дуют Тя́ соверше́нна  
Бо́га и соверше́нна челове́ка су́ща. Мы́ же,  
срета́юще прише́ствие То́я, Чи́стую чи́сто  
почти́м, глаго́люще та́ко:

Гряди́, Чи́стая Де́во, Чи́стаго Бо́га чи́сто  
родив́шая; гряди́, Безму́жная Ма́ти  
Емману́илова, бра́ка не позна́вшая.

Гряди́, честне́йшая Херуви́м, Ея́же чистоте́  
Гаври́ил удиви́ся; гряди́, Сла́внейшая без  
сравне́ния Серафи́м, Ея́же все́ естество́  
А́нгельское поклони́ся.

Гряди́, Земле́ ненасе́янная, Я́же израсти́ нам  
Кла́с Живота́; гряди́, Купино́ Неопали́мая, Ю́же в  
Рождестве́ не опали́ о́гнь Божества́.

Гряди́, Вмести́лище невместимое, на Ню́же  
шестокрилати́и и многоочи́тии взирати́ не мо́гут;  
гряди́, Престо́ле огнезра́чный, Ю́же  
земноро́днии по досто́янию восхвалити́  
недоуме́ют.

Гряди́, Пречи́стая, Госпо́дь с Тобо́ю, и Тобо́ю с  
нами́.

### **Конда́к 3**

Си́лою Божество́нною Управля́ема, прииде́  
Пресвята́я Де́ва во святы́й гра́д Иерусали́м, я́ко  
светоно́сный де́нь, Со́лнце Пра́вды Христа́ все́му  
ми́ру возсия́вающи. Сия́ бо я́ве яви́ся Престо́л  
Херуви́мский, зело́ высо́к сла́вою де́вственною  
превознесён, Та́ бо на руку́ Своёю но́сит Царя́  
Сла́вы, Ему́же незримо́ предстоя́т  
шестокрилати́и Серафи́ми, со все́ми небесными́  
си́лами вопи́юще: Аллилу́иа.

### И́кос 3

Иму́щи богоприя́тную Де́ва утробу́, востече́ ко хра́му, держа́щи на руку́ Своёю́ Богомладе́нца Христа́, и приклони́в колéна Своя́ пред Го́сподом, с весе́лием и благоговéнием глаго́ла: О, Превéчный О́тче, се́ — Сы́н Тво́й, Егóже посла́л еси́ воплотитися от Мене́ спасéния ра́ди челове́ческаго. Се́ — Пло́д утробы́ Моея́, Ду́хом Твои́м Святы́м во Мне́ зачаты́й и неизрече́нно произше́дый, Се́ — Пёрвенец Мо́й. Приими́ воплощённое от Мене́ Твоё Сло́во, приими́ Твоего́ от Мене́ Сы́на, Егóже Тебе́ приношу́, да Того́ Плётию́ и Кро́вию от Мене́ прия́тою, иску́пиши ро́д челове́чь. Мы́ же сему́ та́йному молéнию Твоему́, Пречистая, вне́млюще, вопи́ем Сы́ну Твоему́ и Бо́гу на́шему та́ко:

Гряди́, Пресла́дкий Иису́се, я́ко до́ждь с небесе́ на Чи́стую Зе́млю крóтко и ти́хо снизше́дый; гряди́, Сладча́йший Животе́, я́ко ка́пля ка́плющая на зе́млю в вопло́щении незри́мо Себе́ яв́ивый.

Гряди́, Всеми́лостивый Спа́се, взыска́ти и спасти́ поги́бшия прише́дый; гряди́, Па́стырю́ Предóбрый, заблúждшия о́вцы понести́ на Себе́ восхоте́вый.

Гряди́, Врачу́ безнаде́жных, немо́щи и бо́лезни на́ши на Себе́ носити́ изво́ливый; гряди́, А́гнче Бо́жий, грехи́ всего́ ми́ра взяти́ на Себе́ возжела́вый.

Гряди́, Го́споди Сла́вы, на о́блаце ле́гце носимый, преле́сти тьму́ отгна́ти имевый; гряди́, Царю́ ми́ра, на престо́л Дави́дов прише́дый, Ца́рство не от ми́ра сего́ явля́й.

Гряди́, Пречи́стая, Го́сподь с Тобо́ю и Тобо́ю с на́ми.

#### **Конда́к 4**

Бу́рю вну́тръ имей́ помышле́ний сумни́тельных, вели́кий Архиере́й Бо́жий Заха́рия смути́ся, зря́ Пресвяту́ю Де́ву со Отроча́тем, на ме́сте нечи́стых же́н пред двере́ми хра́ма ста́вшую и зако́ннаго очи́щения проси́ти прише́дшую, ве́дуще бо Ю́ во Свята́я Святы́х воспита́нную, и уразуме́ ду́хом, я́ко сия́ Ма́терь и по рождестве́ е́сть Де́ва Чи́стая. Сего́ ра́ди поста́ви Ю́ на ме́сте деви́ц, иде́же жена́м иму́щим му́жа стоя́ти не подоба́ше, и сретáюще Ю́, со стра́хом и с ра́достью воспе́ явльшему́ся Бо́гу: Аллилу́иа.

#### **И́кос 4**

Слы́ша Заха́рия дивны́я пред Бо́гом глаго́лы Твоя́, Пречи́стая, и ви́дев, я́ко хо́щещи

возложити возлюбленное чадо Своё на руке его, яко Архиерею Божию, аки в рунё Самому Богу влагаючи, и яко вкупе принесла еси Богу в жертву нищих, по речённому в законе, два птенца голубиных, умилися сердцем и с верою и со страхом Божиим прият Богомладенца, и яко законну Творцу и Богу, изрече Ему тако:

Гряди, Ветхий днёми, древле на Синае Моисеем закон даровавый; гряди, Отроча Младо, ныне закон исполнити хотяи ко храму пришедый.

Гряди, Престол имея и Небо, земный храм небесною славою исполнити восхотевый; гряди, воплотивыйся от Девы человеческое естество обожити возжелавый.

Гряди, даже до рабства образа низшедый, да нас рабов греха в рабы Правды Божией сотвориши; гряди, сияние Сыи Ипостаси Отчия, да нас чадами Божиими Отца Небеснаго явиши.

Гряди, Закона Исполнителю, птенцы голубиных Богу принеси, да мы паче голубиц чистых на небеса возлетим; гряди, милости Подателю, милости, а не жертвы восхотевый, да и мы с елеем милования Тебе усрящем.

Гряди́, Пречи́стая, Госпо́дь с Тобо́ю и Тобо́ю с нами́.

### **Конда́к 5**

Богосвѣтлая звезда́ возсия́, егда́ прииде́ Ду́хом в Це́рковь Святы́й ста́рец Симео́н. То́й, ю́ношествуя́ ду́хом, престаре́в же те́лом, пра́веден бе́ и благочести́в, ве́рою живя́, чая́ Уте́хи Изра́илевы, обеща́но бо́ бе́ ему́ Ду́хом Святы́м не ви́дети сме́рти, до́ндеже не ви́дит Христа́ Госпо́дня во плоти́ прише́дша. То́й возре́в на Пречи́стую Де́ву и на держи́мое Е́ю Отроча́, ви́де благода́ть Бо́жию, и позна́в Ду́хом, я́ко Сей́ е́сть ожида́емый Мессия́, приступи́ к Нему́ со тща́нием, и возда́в Бо́гу благодарѣ́ние ве́лие, со стра́хом Бо́жиим и с ра́достью сердѣ́чною воспѣ́ Ему́: Аллилу́иа.

### **И́кос 5**

Ви́дев ста́рец Симео́н на руку́ Деви́чу созда́вшаго челове́ки, и Влады́ку разумѣ́в Его́, а́ще и я́ко Младене́ц ви́ден бы́сть, ве́сь испо́лнися ра́дости неизрече́нныя, и себе́ забыв́, глаго́лет ве́село: Тебе́́ жела́ю, Бо́же отце́в и Го́споди ми́лости, на Тя́ взира́ю, объѣмлю́щаго вся́ Сло́вом Свои́м, Тебе́́ срета́ю, влады́честву́ющаго жи́знию и сме́ртию, Тебе́́

чаю, соединившаго небо и землю. Тебе алкаю, мертвья воскрешающаго. Тебе жаждаю, страждущия утешающаго и Тебе вопию сице:

Гряди, всеми пророки чаемый, посети нас Твоим спасением; гряди, всеми языки желаемый, просвети нас Твоим откровением.

Гряди, от юга пришедый Икупителю наш, да избавиши Адама и Еву от греха и клятвы древняя; гряди, на земли явивыйся, Спасителю наш, да с человеки поживеши и изведеши я из тьмы и сени смертных.

Гряди, Просветителю наш, благовести лето Господне приятно; гряди, Свободителю наш, отпусти сокрушенные сердцем во отраду.

Гряди, Пастырю и Учителю, проповедати плененным отпущение и слепым прозрение; гряди, Творче и Владыко, возвести нищим спасение и всем человеком прощение.

Гряди, Пречистая, Господь с Тобою и Тобою с нами.

### **Кондак 6**

Проповедник дивный пришествия Христова явися Богоносец Симеон, егда паче исполняяся Духа, первый от человек позна Творца своего, во

плоти пришедша, и первый исповеда Того Божество, вопиюще Ему, яко от лица всех живущих на земли: Тебе поклоняемся, яко Ты еси Бог наш; Тебе молимся, яко Ты еси храм наш; Тебе служим, яко Ты еси закона Творец. Ты еси Бог Первый и несть инаго Бога паче Тебе, и инаго Сына Единосущна Отцу. Тобою живем и движемся и есмы. Ты красен еси паче всех сынов человеческих, яко Бог и человек. Сего ради веселися ныне небо, яко помилова Бог люди Своя и ликуйте основания земли и сущия во аде, яко явися ныне мертвым Воскресение, увидех бо ныне Спасителя мира, вопиюще Ему: Аллилуиа.

### **Икос 6**

Возсия всему миру просвещение Истины, егда Пресвятая Дева подаде старцу Симеону пречистыма рукама Своима Божественнаго Младенца, яко Угль Животворящ таинственно от жертвенника Божия, глаголюще: Приими, честный старче, Господа Твоего, приими Сокровище неисчерпаемое и Силу непостижимую. Обыми Нетление и обновися и просветися от Солнца Правды. Не опаляет бо огонь благодати Господа Моего, но паче просвещает, Той бо очистит грехи твоя и вся

беззаконія твоѧ очисти́т, да бу́деши нача́ток  
очище́ния все́го ми́ра, и та́ко совлече́ши вся́  
вѣтхая и во вся́ но́вая да облече́шия. Се́му  
ми́лостивому веща́нию Пречи́стей внемлюще,  
возопи́ем Е́й такова́я:

Гряди́, небесно́ю чистото́ю сия́ющая Деви́це,  
Свѣт Невече́рний на́м просия́вшая; гряди́,  
пречу́дная ми́ра го́рняго Цари́це, во го́рняя  
оби́тели на́с возводя́щая.

Гряди́, Купино́ Таинственна́я, Е́юже о́гнь  
Божества́ от го́рних высото́ все́му ми́ру  
возжже́ся; гряди́, Светоно́сный о́блаче, Е́юже  
Богомладе́нец Христо́с во спасе́ние все́м  
принесе́ся.

Гряди́, О́гненный Престо́ле Невидимаго Царя́;  
гряди́, Небесный Киво́те, вместив́шая Христа́.

Гряди́, Пресвята́го Ду́ха Святе́йшая Пала́то;  
гряди́, Безсме́ртнаго Царя́ Нескве́рная Невесто́.

Гряди́, Пречи́стая, Госпо́дь с тобо́ю и Тобо́ю с  
на́ми.

### **Конда́к 7**

Хотя́й святы́й ста́рец Симео́н но́вое очище́ние  
получи́ти, я́коже дре́вле Иса́ия, поклони́ся  
Пречи́стей Богома́тери, прикосну́ся

Божественным стопам Ея, глаголюще: Огнь носиши, Чистая, боюся объяти Младенца, миром владычествующа. Ты бо, яко крылами ангельскими, рукама просвещаеши мя, подавши, Егоже Херувими крылами носити трепещут. Сего Симеон, простер рuce, прият в честныя объятия своя, и с радостию возопи: Аллилуиа.

### Икос 7

Новое и преславное чудо совершися днесь: Симеон старец приемлет тленными рукама Творца, создавшего человека, да Бог с человеки поживет и человека небеса сотворит. Прием же Желанного, и видев обещаний сбытие, той, якоже зрелая пшеница, просяще о разрешении телеснем, и якоже лебедь белый, сединами украшенный, на закате жития своего весело возопи: видеста очи мои спасение Твое, еже от века таинство сокровенное. Темже ныне отпусти мя, Владыко, раба Твоего по глаголу Твоему с миром от союза сея плоти к чудному и нестареемому животу да отходя от здешних, радостную весть принесу отцем моим о Твоем в мир пришествии. Сего ради вопиём Ти:

Гряди́, Иису́се, жи́зни Подáтелю, жи́знь и воскресéние всём вёрным Твоим даровáти; гряди́, Влады́ко, смёрти Низложителю, от вéчных смёрти люди́ Твоя́ свободи́.

Гряди́, Безсмёртный Царю́, от тьмы́ и сéни смёртныя вéчныя узники разрешити; гряди́, Сладчайший Животé, врата́ райския к чудному животу́ па́ки Адаму отвёрсти.

Гряди́, Желáемый Женише́, я́ко желáет и скончавáется душá моя́ во дворы́ Господни; гряди́, Превожде́нный Свéте, я́ко обрете́ сердце моё́ в юдо́ли пла́ча храмину́ о Бо́зе Живе́.

Гряди́, Предвéчный Бо́же, я́ко близ боящихся Тебе́ спасéние Твоё́; гряди́, Всеще́дный Спасе́, я́ко мир мно́го любящим Тя́ принесё́ Слово́ Твоё́.

Гряди́, Пречистая, Господь с Тобо́ю и Тобо́ю с нами́.

### **Конда́к 8**

Странныя глаго́лы дивнаго ста́рца о Отрочáте слы́шавше, Ио́сиф и Пречистая Де́ва чудя́хуся о глаго́лемых о Нем: видеста бо Симеона́ к Младенцу́ веща́юща, но не я́ко к Младенцу́, но я́ко к Вётхому дёнми и к Бо́гу моля́щагося, Живота́ и смёрти вла́сть Имущему́ и Могущему́ áбие к ино́й Жи́зни отпусти́ти того́, и слага́юще

вся глаголы сия в сердце своем, благодарственно возопиша Богу: Аллилуиа.

### Икос 8

Весь быв в Бозе, Святыи старец Симеон, исполнися духа пророческаго и многая изрече о Божественном Младенце, яко даже до ада придет и пленным подаст всем оставление и слепым прозрение и яко и немым глаголати. И обращатися к Марии Матери Его, провозгласи Ей: Се лежит Сей на падение непокоривым и на востание верным многим во Израили, и в знамение пререкаемое. И Тебе Самой, о Безсмертная Мати, душу пройдет оружие печали, егда узриши Сына Твоего на Кресте пригвожденна, да открыются помышления многих сердец во спасение от грех их. Сему предречению внемлюще, вопием Пречистой тако:

Гряди, Мати и Дево, в девственном рождестве Твоем болезней матерних избегшая; гряди, Агнца и Пастыря Мати, у Креста Сына Твоего болезни сердечныя понести имущая.

Гряди, Радосте наша, приобщитися страстем Христовым, да в явлении Славы Его с Ним возрадуешься; гряди, в печалех Утешение,

искуситися, яко злато в горниле, да и Сама́  
искуша́емым помощи́ возмо́жеши.

Гряди́, Обра́дованная, печа́ль роди́вшую  
жена́м Е́ву возвеселити иму́щая; гряди́,  
Препросла́вленная, весь ми́р скорб́ями Сво́ими  
от скорб́ей свободити Хотя́щая.

Гряди́, Честней́шая всея́ тва́ри Де́во, всю́  
ви́димую тва́рь рождество́м Сво́им Обно́вившая;  
гряди́, Святе́йшая Святы́х все́м Ма́ти, а́нгелы и  
челове́ки во Сре́тении Тво́ем объеди́вшая.

Гряди́, Пречи́стая, Госпо́дь с Тобо́ю и Тобо́ю с  
на́ми.

### **Конда́к 9**

Вся́кое естество́ А́нгельское удиви́ся вели́кому  
Бо́га на́шего к челове́ком низше́ствию,  
глаго́люще: чу́дная зрим ны́не и пресла́вная,  
непостижи́мая и несказа́нная: Ада́ма бо  
Сзда́вий в объ́ятиях ста́рчих вмеща́ется. По́лны  
концы́ ми́ра бла́гости Его́, полна́ вся тва́рь  
хвалéния Его́, полно́ все́ челове́чество  
снисхо́ждéния Его́. Небе́сная, земна́я и  
преиспо́дня полны́ су́ть благоутро́бия Его́,  
по́лны ми́лости Его́, по́лны щедро́т, по́лны даро́в,  
по́лны благодея́ния Его́. Исполнь не́бо и земля́

сла́вы Его́! Сего́ ра́ди всі́ язы́цы восплещѣте  
рука́ми, пою́ще Ему́: Аллилу́иа.

### И́кос 9

Витѣя Божѣственный Богови́дец Симео́н, а́ще и  
мно́го изрече́, хва́ляще и благода́ряще  
Пренепоро́чную Ма́терь Бо́жию, ро́ждшую ми́ру  
Бо́га и челове́ка, Спа́са ду́ш на́ших, оба́че не  
возмо́же благохвалѣти по досто́янию, Ю́же и  
преми́рныя умы́ недоумева́ют воспева́ти, оба́че  
любо́вию побежда́емый, велича́ше Ю́,  
глаго́люще: Святе́йшее и Дѣвное Жили́ще  
Бо́жие, Ты́ — еси́ нача́ло, среди́на и коне́ц  
на́шего пра́здника. Ты́ возсия́ла еси́ Све́т  
Со́лнца, Ты́ отве́рзла еси́ исто́чник  
человеколю́биа Сы́на Твоего́, па́мьть Твоя́  
превы́ше вся́каго сло́ва и вели́чье Твое́  
превосхо́дит не́мощь на́шу. Молю́ Тя:  
непреста́нно па́мьтуй нас хва́лящих Тя́ и в  
востор́зе духо́вном вопи́ющих Тебе́ си́це:

Гряди́, вѣчно несконча́емая Ра́досте на́ша,  
ра́дость Христа́ все́му ми́ру явив́шая; гряди́,  
при́сно ублажа́емая Сла́досте на́ша, О́гнь  
Божества́ рука́ма неопально держа́щая.

Гряди́, Заре́ присносия́тельная, от вѣ́тхаго  
ми́ра но́вою благода́тию хра́м просвети́вшая;

гряди́, Свеще́ неугаса́ющая, во Сре́тение Твое́  
ду́ши ве́рных Свѣтом Христо́вым осия́вшая.

Гряди́ О́гнь Небе́сный рука́ма носив́шая, да  
Тобо́ю святы́ня и красота́ во Святы́лице  
возгорится́; гряди́, Свѣт Невече́рний нетле́нно,  
я́ко Присноде́ва, родив́шая, да Тобо́ю спасе́ние  
всѣм концѣ́м земли́ возвестится́.

Гряди́, Одушевле́нный Киво́те Бо́жий, я́ко  
Тобо́ю но́вая благода́ть спаси́тельная все́му ми́ру  
явися́; гряди́, Ски́ния Бо́жия с челове́ки, я́ко  
Тобо́ю Бо́г бого́в в Сио́не над все́ми людьми́  
воцарится́.

Гряди́, Пречи́стая, Госпо́дь с Тобо́ю и Тобо́ю с  
нами́.

### **Конда́к 10**

Спасе́ния пропове́дница явися́ Богодухнове́нная  
А́нна проро́чеством сия́ющая и в зако́не  
непороч́ная: не отхожда́ше бо от хра́ма Господ́ня  
де́нь и но́щь в моли́твах и посте́ служа́щи. Та́  
изше́дши с пра́ведным Симео́ном во сре́тение  
Богомладе́нцу Христу́, провеща́ше стра́шная,  
испове́дующе Егó Творца́ небу́ и земли́. И  
о́бъемши Того́, приложи́ уста́ своя́ ко усто́м Егó,  
и всели́ся Ду́х во уста́х ея́ и возопи́: Ты́ еси́ Бо́г и  
Сы́н Челове́чь, Сы́н Ца́рствия и уничи́жения. Ты́

слы́шиши и безмо́лвствуеши, ви́диши и неви́дим еси́, всеве́дущ и сокрове́н. И та́ мно́гая проро́чески изрече́ о принесённом Младенце́ все́м ча́ющим изба́вления во Иерусали́ме, Богоро́дицу же пропове́дающе велича́ше. О, дщи́ Фану́илева, прииди́ и ста́ни с на́ми, вопию́ще Бо́гу: Аллилу́иа.

### **И́кос 10**

Царю́ Преве́чный и Сло́ве Бо́жий! Ты́ плоти́ю ны́не все́му ми́ру яви́лся еси́ во хра́ме, от Де́вы Ма́тери, я́ко Младене́ц руконо́сим, да с челове́ки поживе́ши и все́м су́щим от Ада́ма, да возвести́ши спасе́ние. Дре́вняя ны́не вся́ мимоидо́ша и се́ бы́ша вся́ но́ва. Пра́вда Твоя́ с небесе́ прини́че, и ми́лость Твою́ посла́л еси́ на́м, и благода́ть Твоя́ воцари́ся на землѝ, я́ко пришёл еси́ взыска́ти и спасти́ поги́бшия. Сего́ ра́ди никогóже отверга́еши, никогóже отвраща́ешия, я́коже дре́вле О́зы, и́же прикосну́ся к Киво́ту Завета́ Твоего́ и пораже́н бы́сть сме́ртию. Ны́не же блудни́ца припа́дает к Тебе́ и уцелому́дрися, кровоте́чявая прикаса́ется к Тебе́ и очи́стися, мыта́ри и грешни́цы возлежа́т с Тобо́ю и в дру́ги Твоя́ прие́млются, я́ко вся́ тружда́ющияся и обремене́нныя призва́л еси́ к Себе́. Сего́ ра́ди с

ра́достью сретáем пришéствие Твое́, вопи́юще та́ко:

Гряди́, о Христé, всéх Царю́, и востáни на срéтение нáше; гряди́, Иисýсе, ду́ш нáших Врачú, и изы́ди на по́мощь и спасéние нáше.

Гряди́, Па́стырю наш Дóбрый, на взыскáние Пришéдый заблúждшаго овчáти, взыщи́ и нáс заблúждших; гряди́, Утéшителю Благий, погíбшую дра́хму взыска́вый и обретьи́, обря́щи ду́ши люде́й погíбших.

Гряди́, Всещéдре и Человеколю́бче, и приими́ нáс во отéческия объ́тия Своя́; гряди́, Всеми́лостиве и Благоутрóбне, всели́ нáс в ра́йския обíтели Твоя́.

Гряди́, Утéшителю скорб́ящих, защити́ и упра́ви нáс в мо́ре житéйския суetý плывúщих; гряди́, Спасителю́ заблúждших, спаси́ и воздвигни́ нáс в бéздне грехá утопа́ющих.

Гряди́, Пречистая, Господь с Тобо́ю и Тобо́ю с нáми.

### **Конда́к 11**

Пéние всеумилéнное приноша́ху о явлéнии Твоём, Христé, Богоно́сец Симео́н и пра́ведная А́нна, ду́хом пламене́юще, усты́ же ра́достно

проповѣдающе Твое в мир пришѣствие всѣм чающим избавления. Книжницы же и фарисеи, слышаще таковая о Отрочатѣ свидетельства, негодоваху, наипаче же осуждаху, аки явнаго законопреступника Захарію, яко Матерь на мѣсте девичеством постави, чесо ради вскоре убиша его между жертвенником и алтарем. Богомладенец же Христос отнесен во Египет, да будет тамо в знамение вечное и да ведом будет Господь Египтяном и да сотворят тамо жертву и дар, поюще Ему: Аллилуиа.

### **Икос 11**

Свет во откровение языков, был еси, Солнце Правды, Христе, на облаце, легце носим, якоже Симеон днесь пророчески провозгласи, да явиши начало новыя благодати, начен от Египта и даже до послѣдних земли, яко Ты еси Источник Живота и Свет человеков, да свет во тьме светится, и тьма Его не объят. Сею зарею Божества Твоею просвети и нашу душевную тьму, да вси возжегши в сердце добродетелей свечи, с Симеоном и с Анною, яко священосцы новии с любовью усрящем Тя, вопиюще Тебе и Пречистой Матери Твоей сице:

Гряди́, Иису́се, Све́те ми́ра, да во све́тлости Святы́х Твои́х на́с просвети́ши; гряди́, Христе́ Спа́се, во Све́те Живы́й Непресту́пнем, да во све́те Лица́ Твоего́ на́с обожи́ши.

Гряди́, Со́лнце Пра́вды, я́ко да возсия́ет во дне́х Твои́х пра́вда и ми́р на земли́; гряди́, Све́те Святы́й, я́ко да приидет в сердца́ на́ша о́гнь любве́ и ве́ры с небесе́.

Гряди́, Небе́сный Царю́, я́ко да благослове́нно и пресве́тло бу́дет прише́ствие Твое́; гряди́, Тво́рче и Влады́ко, я́ко да с горя́щими свети́льники чистоты́ изы́дем во срéтение Твое́.

Гряди́, Ти́хий и Невече́рний Све́те, да в ти́хости и безмо́лвии поживе́м вся́ дни́ живота́ своего́; гряди́, Единоро́дный Сы́не Бо́жий и Сло́ве, да с трéпетом и в ра́дости соверши́м спасе́ние Твое́.

Гряди́, Пречи́стая, Госпо́дь с Тобо́ю и Тобо́ю с на́ми.

## **Конда́к 12**

Благода́ть но́вая испо́льнь днёсь вётхий хра́м зако́нный, егда́ пришёл еси́ в о́нь, Христе́, я́ко Младене́ц руконо́сим, да испо́лнится Агге́я проро́ка Твоего́ предрече́ние: Приидет Желáемый все́ми язы́ки и испо́лню хра́м Се́й

славою, зане́ вѣлія́ бѹдетъ слава́ хра́ма сего́ послѣдняго, па́че пе́рваго и на мѣсте́ семъ да́мъ міръ. Сего́ ра́ди да украси́тся неизрече́нною Божества́ Твоего́ заре́ю и на́ша Це́рковь но́вая гото́вящаяся Тя́ свѣтло,́ я́ко Жениха́, прія́ти, и на́ша душе́вныя ру́ки просвети́, да́ я́коже Семео́н простре́мъ я́ в чистоте́ на Сре́тение Твое́, с весе́лиемъ вопи́юще Тебе́: Аллилу́иа.

### **И́кос 12**

Пою́ще, о́ Богома́ти, во хра́м Госпо́день с Божѣ́ственнымъ Младѣ́нцемъ на сре́тение все́му міру́ прише́ствие Твое́, восхваля́ем неизрече́нную па́че А́нгелъ дѣвственную́ Чистоту́ Твою́, покланя́емся Возсия́вшему от Тебе́ Со́лнцу Пра́вды Христу́, с Семео́номъ усря́щемъ Его́ и прія́емъ во объ́ятія Своя́. С А́нною испове́дуемъ Божество́ Его́, с Ио́сифомъ принесе́мъ Ему́ в да́ръ, я́ко два́ птенца́ голуби́на, на́шу ду́шу и те́ло, и я́ко с му́дрыми дѣ́вами свети́льники ду́ш на́шихъ свѣтло́ украси́м и горя́щая свещи́ И́стинному́ Свѣту́ Христу́ я́вльшему́ся во откровѣ́ние міра́ принесе́м, и исплѣ́тше́ днѣсь пе́сни, я́коже цвѣ́ти, принесе́мъ Тебе́, я́ко вене́цъ благода́ренія́ сицевы́я похва́лы:

Гряди́, Благода́тная Богоро́дице Де́во, да под кро́вом де́вства Своего́ нас в де́встве и чистоте́ сохрани́ши; гряди́, Светоно́сная Влады́чня Пала́то, да благода́тию Своёю нас до́м Ду́ха Свята́го сотвори́ши.

Гряди́, па́че у́тра Светле́йшая Де́во, да и нас сы́ны дне́ до конца́ жити́я соблюде́ши; гряди́, Со́лнце Нося́щая Ма́ти Све́та, да и нас све́том благода́ти Твоея́ просвети́ши.

Гряди́, вели́каго та́инства Свята́я Служите́льница, да и нас Сы́ну Твоему́ и Бо́гу свя́то служи́ти научи́ши; гряди́, всему́ ми́ру Благая́ Помо́щнице, да и нас от ми́ра, плóти и диа́вола невредимо́ защити́ши.

Гряди́, о, Деви́це Мари́е, да просвети́ши на́ши ду́ши помраче́нныя страстьми́; гряди́, о, Дивная́ Отрокови́це, да сохрани́ши лю́ди Твоя́ ослепле́нныя грехми́.

Гряди́, Пречи́стая, Господь с Тобо́ю и Тобо́ю с на́ми.

### **Конда́к 13**

О, Всепе́тая Ма́ти и Де́во, Прине́сшая во Святи́лице все́х святы́х Святе́йшее Сло́во во срéтение на́ше и спасе́ние ми́ру; пра́здничное прие́мши си́е приноше́ние на́ше, покрый и

соблюди́ нас от вся́кия ну́жды и печа́ли и изба́ви нас от вся́кия грехо́вныя вра́жия се́ти. Ты́ же, я́ко Две́рь Божества́ нетле́нно бы́вшая, отве́рзи все́м спасти́ся жела́ющим врата́ небе́сная, да изба́вльшеся Тобо́ю от ве́чныя му́ки, воспоём во Сре́тении Госпо́дне на возду́се: Аллилу́иа.

Этот конда́к чита́ется трижды, затем и́кос 1-й и конда́к 1-й.

### **Моли́тва**

Го́споди Иису́се Христе́, Единоро́дный Сы́не и Сло́ве Бо́жий, дре́вле во проро́цех ви́денный, я́коже зерка́лом в гада́ний, в после́док же дний си́х плоти́ю от Пресвяты́я Де́вы Мари́и нетле́нно рождённы́й и в четы́редеса́тны́й де́нь се́й во Святы́лице во сре́тение все́му ми́ру от То́я, я́ко Младене́ц руконо́сим, явле́нный и во объ́ятиях пра́веднаго Симео́на во спасе́ние все́м су́щим от Ада́ма носимый! Ко́ль пресла́вно и пресве́тло Твое́ на руку́ Богома́тери во хра́м Госпо́день принесе́ние и от свята́го ста́рца Боже́ственное сре́тение Твое́! Дне́сь небеса́ веселя́тся и ра́дуется земля́, я́ко ви́дена бы́ша ше́ствия Твоя́, Бо́же, ше́ствия Бо́га на́шего Царя́, И́же во Святе́м. Дре́вле Моисе́й восхо́дит ви́дети сла́ву Твою́, но не возмо́же уви́дети лица́ Твоего́, зане́



улицезрѣмъ очами вѣры Божественное Лице Твое, да воспримемъ Тя в душевныя объятія своя, и да понесемъ Тя в сердце своемъ во вся дни Живота своего, да будеши намъ в Бога и мы в людие Твоя. В послѣдний же и Страшный день пришествія Твоего, егда вси святїи изыдутъ на послѣднее и великое срѣтение Твое на воздусе, сподоби и намъ усрѣсти Тя, да тако всегда с Господомъ будемъ. Слава милосердию Твоему, Слава Царствию Твоему, Слава смотрѣнию Твоему, Едине Человеколюбче, яко Твое есть Царство, и Сила, и Слава со Безначальнымъ Твоимъ Отцемъ и Пресвятымъ и Благимъ и Животворящимъ Твоимъ Духомъ ныне и присно, и во веки вековъ. Аминь.

